

36. sjednica Vlade Federacije BiH

O IMPLEMENTACIJI PROJEKTA EAF SME - POBOLJŠANJE PRISTUPA MALIH I SREDNJIH PREDUZEĆA FINACIJSKIM SREDSTVIMA

Vlada FBiH prihvatila je danas Informaciju o implementaciji Projekta EAF SME - Poboljšanje pristupa malih i srednjih preduzeća finansijskim sredstvima, te podržala inicijativu da se kreditnim zaduženjem kod Svjetske banke osigura dodatno finansiranje sa istim aranžmanom implementacije kao u osnovnom Projektu EAF SME.

Projekt poboljšanja pristupa malih i srednjih preduzeća finansijskim sredstvima (EAF SME), kreiran je u saradnji Vijeća ministara BiH, entitetskih vlada i Svjetske banke, s ciljem pružanja podrške malim i srednjim preduzećima u našoj zemlji kroz osiguranje povoljnijih uvjeta dostupnosti finansijskim sredstvima malim i srednjim preduzećima. To bi, kako se navodi, imalo za posljedicu proširenje poslovnih aktivnosti i poboljšanje ekonomskih prilika u kontekstu svjetske ekonomske krize.

Po ovom projektu Bosni i Hercegovini odobren je zajam IBRD-a u iznosu od 47,8 miliona eura, a sredstva su raspoređena između entiteta u omjeru 60/40 od čega je Federaciji pripalo 27,8 miliona eura. Prema danas usvojenoj inicijativi, novo zaduženje iznosilo bi 55 miliona eura.

Vlada je zadužila Federalno ministarstvo finansija i Fondaciju za održivi razvoj „Odras“ da Vladi FBiH predlože osobe koje bi, u ime Federalne vlade, učestvovala u pregovorima sa Svjetskom bankom